

CONVOCATORIA DE PROBAS ESPECÍFICAS DE ACCESO AOS ESTUDOS DE GRAO EN CIENCIAS DA ACTIVIDADE FÍSICA E DO DEPORTE, DA FACULTADE DE CIENCIAS DO DEPORTE E A EDUCACIÓN FÍSICA, PARA O CURSO ACADÉMICO 2017-2018.

O RD 1423/1992, do 27 de novembro, sobre incorporación á universidade de ensinanzas de educación física, establece no seu artigo 3 que as Universidades, en atención ás aptitudes indispensables para a aprendizaxe das materias ou disciplinas propias das ensinanzas de educación física, poderán efectuar, a quen solicite iniciar os ditos estudos, probas de avaliación das aptitudes persoais para a actividade física e o deporte que, en ningún caso, consistirán en probas de coñecemento e só se outorgará a cualificación de apto ou non apto.

As normas vixentes que regulan as condicións para o acceso ás ensinanzas universitarias oficiais de Grao e o procedemento de admisión ás universidades públicas españolas, permiten que as universidades poidan establecer probas específicas para o acceso a determinadas ensinanzas; non obstante, a solicitude para realizar as probas específicas non exime da realización dos trámites de acceso e admisión á Universidade regulados polo Real decreto-lei 5/2016, de 9 de decembro, de medidas urxentes para a ampliación do calendario de implantación da Lei orgánica 8/2013, de 9 de decembro, para a mellora da calidade educativa.

De acordo co exposto, convócanse as probas específicas de acceso, que se regularán polas seguintes

BASES:

Primeira: número de prazas

O número de prazas para a admisión aos estudos de 1º curso do Grao en Ciencias da Actividade Física e do Deporte para o curso académico 2017-2018, será o que aprobe a Comunidade Autónoma de Galicia, tras a proposta do Consello de Goberno da UDC.

Segunda: requisitos

Ademais das persoas que reúnan os requisitos previstos no artigo 3 do RD 412/2014, de 6 de xuño, polo que se establece a normativa básica dos procedementos de admisión ás ensinanzas universitarias oficiais de grao, e sen prexuízo do establecido para o acceso á universidade no citado Real decreto-lei 5/2016, poderá presentarse ás probas específicas de acceso quen estea cursando o bacharelato ou un Ciclo Formativo de Grao Superior.

De acordo co disposto no artigo 9 do RD 971/2007, do 13 de xuño, sobre deportistas de alto nivel e de alto rendemento, estes deportistas están exentos de realizar estas probas, sen prexuízo do alcance e límites a esta condición establecidos no artigo 16 do citado Real decreto.


Os aspirantes que nas probas específicas de acceso a estes estudos para os cursos 2015-2016 e 2016-2017 obtiveron a cualificación de "apto", non terán que realizalas novamente nesta convocatoria, sen prexuízo de cumprir coa normativa para o acceso e admisión á universidade.

Terceira: solicitude de matrícula para realizar as probas de admisión e documentación que hai que entregar

As persoas que desexen tomar parte nas probas específicas cursarán a súa solicitude dirixida ao decano da Facultade a través de Internet, sendo obrigatorio xuntar unha fotografía escaneada, nos prazos sinalados nas presentes bases.

Os aspirantes entregarán a documentación esixida nesta convocatoria na administración da Facultade de Ciencias do Deporte e a Educación Física, persoalmente ou ben a través do correo certificado nun prazo máximo dos 10 días posteriores á data da solicitude, e sempre con anterioridade ao peche de cada prazo de matrícula. A estes efectos, será de aplicación o artigo 16.4 da Lei 39/2015, de 1 de outubro, do procedemento administrativo común das Administracións Públicas, dentro dos prazos que se sinalan e de acordo coas seguintes condicións:

A documentación que deberán presentar é a seguinte:



- Copia impresa da solicitude cursada por internet.
- Tarxeta de exame debidamente cuberta, con fotografía adherida.
- Fotocopia do DNI
- Certificado médico expedido en data recente (como máximo nos catro meses anteriores ao prazo de entrega da documentación) en que se faga constar que o solicitante non padece ningunha enfermidade ou patoloxía na que estea contraindicada a práctica deportiva.
- Resgardo de aboar os dereitos de exame e o pagamento do seguro de accidentes que se realizará mediante un impreso contable para tal fin, así como a documentación xustificativa en caso de exención.

Os aspirantes incluídos na quenda de discapacidade deberán:

- Solicitar expresamente na instancia dirixida ao decano da Facultade de Ciencias do Deporte e a Educación Física que se realicen as adaptacións necesarias ao seu caso.
- Xuntar na súa documentación a certificación oficial de discapacidade, recoñecida polo órgano correspondente da Xunta de Galicia ou outro órgano oficial.

Para poder realizar as devanditas probas será necesario ter entregada toda a documentación mencionada. A falta de documentación é motivo de non admisión.

Cuarta: prazos de matrícula para as probas específicas de acceso

Os prazos de matrícula para as probas específicas de acceso serán os seguintes:

- Oportunidade do 22 de abril de 2017: do 06.03.2017 ao 31.03.2017 (ambos inclusive)
- Oportunidade do 20 de xuño de 2017: do 09.05.2017 ao 02.06.2017 (ambos inclusive). A esta oportunidade poderán concorrer aquelas persoas que non obtiveron a cualificación de APTO na oportunidade de abril e tamén aquelas que por calquera circunstancia non se presentaran a esta.

Tras o peche do prazo de matrícula de cada oportunidade publicarase a relación provisional de admitidos e excluídos no taboleiro de anuncios e na páxina web da Facultade, e abrirase un prazo de cinco días naturais para posibles reclamacións. A relación definitiva de admitidos será publicada nos mesmos lugares. Contra esta resolución poderase interpoñer un recurso de alzada perante o reitor, no prazo máximo dun mes que contará a partir do día seguinte da súa publicación.

As bases da convocatoria, as instrucións de matrícula e os anexos da presente convocatoria poden descargarse da seguinte páxina web <http://inefg.udc.es/index.php/pruebas-especificas-de-acceso>.

Quinta: dereitos de exame

O importe dos dereitos de exame será de 63,67 €, máis 6 € en concepto de seguro de accidentes, cantidades que se aboarán nun único pago. As posibles bonificacións ou exencións de prezos estarán suxeitas ao que está disposto no artigo 13.2 da Normativa de xestión académica para o curso 2016/2017, aprobada por Resolución Reitoral do 29/06/2016.

O pagamento dos dereitos de exame permitirá presentarse ás dúas oportunidades previstas nesta resolución (abril e xuño); só haberá que aboar novamente o seguro de accidentes e cursar a solicitude por internet nos prazos indicados, non sendo necesario achegar nova documentación salvo a solicitude e o certificado médico, no caso de que a data de expedición supere os catro meses.

Sexta: lugar e datas de realización das probas

As probas realizaranse nas instalacións da Facultade de CC. do Deporte e a Educación Física da Universidade da Coruña, sita na Avda. Ernesto Che Guevara, 121. Oleiros.

As dúas oportunidades de realización das probas específicas de acceso terán lugar nas datas establecidas na base 4ª.



Sétima: regulamento das probas específicas de acceso.

O Regulamento das probas específicas de acceso aos estudos de Grao en Ciencias da Actividade Física e do Deporte é o que consta no Anexo I desta convocatoria, e tamén poderá ser consultado no seguinte enderezo: <https://probasinefgalicia.udc.es>.

Descrición e orde de realización

Consistirá na realización de 3 probas de aptitude para a actividade física e o deporte, cunhas puntuacións A e B, conforme o baremo que recolle o Anexo II desta convocatoria e seguindo a orde que se especifica a continuación:

Bloque 1: Proba de adaptación ao medio acuático

Bloque 2. (elixir unha entre as tres seguintes):

- Proba de axilidade no chan
- Proba de carreira de obstáculos
- Proba de axilidade co balón

Bloque 3: Proba de resistencia cíclica

Puntuacións e procedemento

O aspirante terá que realizar obrigatoriamente dúas probas: adaptación ao medio acuático e resistencia cíclica (bloque 1 e 3), tendo que elixir no momento da inscrición unha entre as tres restantes (bloque 2). Para conseguir o apto será necesario polo menos a puntuación A en dúas das tres probas realizadas e a B na outra. O tribunal poderá descualificar o aspirante nunha proba se non cumpre o que establece o Regulamento.

O tribunal poderá modificar a orde das probas se fose necesario, en función das necesidades de organización. Cando o rendemento do aspirante nunha proba sexa interferido por motivos alleos á súa vontade, a xuízo do tribunal, o aspirante poderá repetir a proba.

Oitava: aptos

Rematada cada oportunidade publicarase a relación provisional de aptos e non aptos, en función do baremo establecido no Regulamento destas probas, que consta como Anexo II desta convocatoria. Esta relación publicarase no taboleiro de anuncios e na páxina web da Facultade e abrirase un prazo de cinco días naturais para posibles reclamacións. Resoltas as reclamacións publicarase a relación definitiva de aptos e non aptos nos mesmos lugares e contra esta relación poderase interpoñer un recurso de alzada perante o reitor no prazo dun mes, que contará a partir do día seguinte da súa publicación.

O "apto" nas probas específicas de acceso nesta convocatoria manterase durante os 2 cursos seguintes (2018-2019 e 2019-2020) e será comunicado á CIUG.

Novena: tribunal

As probas específicas serán xulgadas por un tribunal nomeado polo reitor da Universidade da Coruña, por proposta do decanato da Facultade de Ciencias do Deporte e a Educación Física, formado entre profesores desta e que estará presidido polo seu decano ou persoa en quen delegue.

A Coruña, 24 de febreiro de 2017

O Reitor da Universidade da Coruña

Julio E. Abalde Alonso